

И Н Ъ Г Т Ä Н

Холин дууранд генткн
Джинънси дун сонъсгдв,
Хотна захд, өөрхнд
Джиргълтә багъчуд харгдв.
Ценънси дуута домбр
Сергмджтә айсар күнъкн-
джәнә,
Цервдәд көвүд, күүкд
Селгәдәр биилдәд, дуул-
джана.
Хотна көвән ногъанд
Харлздж баран үзгдв,
Хәләгъад, чинънәд зогсхнъ
Хошадар багъчуд йовлдв.
Шуугджах багъчуд дунд
Шоглад би орчквв,
Шимлдси күүкдиг эргүләд,
Шинджләд хәләгъад бәävв.
Зергләд сууси күүкдәс
Зеегтә нүдтань ончлгдв,
Зогсджагъад, күүкнүр өөрдәл

Зәәцәд хаджуднь суучквв.
Зүркн тусси иньгдән
Зөвин үг келүв,
Цур болшгө гичкәд
Цааран күүкн эргв.
Тууджан цәәлгъдж келүв.
Теркә зүркм байрлв,
Буру хандси күүкн
Бийүрм хәләцән зөрүлв.
Селәнә уульнцд күүктә,
Сөөнь дууранд күүндүв,
Седклән медси иньгәси
Салад герүрн хәрүв.
Күүнддж ухагъан медси
Күүкн сәәхн иньгм,
Күцл болдж нанд
Кезә ханьцхнъ тоолгдв.
Удхн уга, манд
Ут хаалгъ гарх,
Уйдхн уга, зүркн
Учрх цаг ирх.